

19067
=16



皇朝文獻通考卷二十四

職役考

四

國朝

職役考

乾隆元年設立河南沁河長夫免民夫修築堤工
著并革各處攤派之累先是雍正十二年

皇五御極

食賦二百六十一萬四千五百九十二石

特頒諭旨凡各河防堤岸開壩等工程向於民田按畝

半派捐者槩予革除如山東挑挖運河派幫民夫工

備旨食江南歲修海塘挑挖運河四川歲修堤堰直隸

運河挑淺亦皆按畝派幫合計需銀十萬餘兩悉

令動用正項錢糧不得仍舊苛派至是復奉

諭旨河南武陟縣木藥店沁河堤工關係居民廬舍每年定爲民夫修築以防水患里民按畝攤錢計二千四百餘緡頗爲地方之累若設立長夫三十名皇歲支工食銀二百六十兩即可省民間二千餘金著河南總督照此辦理又孟縣地方小金堤亦係民修民築每歲攤派銀錢令改爲官修支銷正項又浙江紹興府屬沿江沿海堤岸工程向係附近里民按照田畝派費修築亦令停止攤派動支正

項又江南儀徵縣江口三汊河向例三年大濬一次撈淺一次需銀一萬餘兩俱係商民三七分派捐輸經管里甲不無苛索滋擾亦令永行停止統於運庫動支

臣等謹按小金堤以下三條與沁河相類皆寬恤查民力之事故以類載於此

又令永定河工民夫物料實發價值奉

諭旨直隸永定河每夏秋間時有衝決修築堤岸夫役物料不能不取辦於民間胥吏朋比作奸其人工物

料價值肆意中飽毫無忌憚且將物料令民運送工
所往返動經百里或數十里不等脚價俱係自備種
種擾累吾民其何以堪嗣後河工諸臣皆宜嚴行稽
查凡民夫物料應給價值務照實數給發不得聽任
胥吏絲毫扣剋以至貽累百姓如有仍蹈前轍者必
從重處分

又禁革直省大小衙門吏役之弊州縣書役之有
貼寫各項衙役之有幫役雖有明禁不能盡革不
肖之徒蒙官作弊實里甲之害卽役法之蠹

上特降諭旨朕惟州縣爲親民之吏白宜廉平不擾懋
著循聲乃訟獄催科之際官民情意易致睽隔百姓
潛受苦累而無由自訴者則以書役之害爲甚劇州
縣官不知所以振刷而剔除之也朕聞直省州縣衙
門經承之外必有貼寫正役之外每多白役聚此數
十輩無賴之徒假托公務橫肆貪婪其爲小民擾累
何可勝言故有獄訟尚未審結而耗財於若輩之手
兩造已經坐困者矣額糧尚未收納而浮費於催徵
中飽於蠹胥已什去二三矣其餘勾緝命盜因緣舞

弊遇事風生株連無辜賄縱要犯大底貼寫白役之
爲害居多各省督撫務宜嚴飭各該州縣將所有吏
役按籍鈎考其有私行冒充者悉行裁革設正額書
役實不敷用不妨於貼寫幫役中擇其淳謹者酌量
存留亦必嚴加約束毋得非時差擾至於經承正役
務須時刻稽查倘有壞法擾民之事立即按律重懲
庶使若輩知所顧忌不得肆其伎倆倘或明知故縱
姑息養奸又或喜其巧於趨承受其蒙蔽此則不愛
百姓而愛吏役卽屬戕害吾民之甚者也爲民父母

其忍出此乎且胥吏之爲害不止州縣衙門已也凡
徵解錢糧上司書吏輒向州縣書役索取費用因而
縣吏假借司費紙張名色派索花戶又如徵解漕糧
糧道衙門書吏需索縣吏規禮因而縣吏遂勾通本
縣家人盤踞倉廩於正額外多收耗米稍不遂意百
般留難遠鄉小民以得收爲幸守候爲艱不得不飽
其貪壑又聞司院衙門凡州縣申詳事件每先發各
房書吏擬批送簽書吏從此作奸射利遲速行駁之
間得以上下其手蓋衙蠹之爲擾自上及下正不自

州縣始也是在爲督撫者整肅紀綱立闔省之表率而監司守令各奉厥職互相糾正則弊絕風清民安衽席朕惠養元元之意得以周洽閭閻矣嗣是御史周人驥復切言其弊略云州縣衙門舞弊莫如書吏然官若嚴明尚知畏法此外額設衙役如斗級禁卒民壯捕役門子各管一事且名數無多尚易稽查約束惟快手皂隸二項人役定額原止數名州縣向俱於額外收用現在多至二三百名不等其其中原係安分民人投充衙門以圖體面避差徭

者固有之大半皆土棍游民呼朋引類州縣習而不察來者不拒盡以公門爲巢穴且常用應役盤踞把持瞞官作弊如賭博流娼私販私銷諸奉禁之事惟衙役勾串瓜分包攬護庇小民乃公然違禁官卽清查先令躲避稽查愈嚴愈得借端勒索是上而阻撓功令之弊也凡有差票到手視爲奇貨可居登門肆橫索酒飯講差錢稍不遂意百般恐嚇鄉民畏事莫敢聲言是下而剝削小民之弊也吏治之不肅民生之不厚率由於此快手皂隸

舊止數名固屬太少而約略衝僻地方量增名數
可以敷用請

勅下直省督撫酌定成額分別去留其餘各役悉照皂
快例行違者查叅至督撫司道等衙門承差各役
盛千累百多係掛名倚勢欺壓平民挾制官長所
在多有亦應一體定額事下王大臣九卿會議如
所請行

嚴禁江浙地方當官役使工匠之累直省地方工
匠人等各以其業爲生遇各衙門有事工作皆給

工食私役之弊律有明禁沿習既久仍有差派應
官者是歲奉

諭旨聞江浙地方一應百工技藝奉官役使名爲當官
久經嚴禁而地方官並不遵照功令更兼吏胥從中
舞弊凡有工作不論公私總以當官爲名短發工食
并有竟不給發者如匠役不能親身應差則暗中歛
錢相助爲貼費官則徇私吏則中飽種種弊規累民
實甚夫百工勤手足之力一日所得仰事俯畜僅足
資給何堪私役滋擾督撫應嚴行禁止除公事照例

給發工食不得短扣外總不許以當官名色擾累斯民倘不肖有司陽奉陰違或經訪聞或經題叅朕必將大小官員分別處分

并又裁減陝西暫役屯丁陝西總督查郎阿奏言從前公務浩繁應役需人故於州縣屯丁內暫留二八千名以為看守城樓倉庫及滿漢各衙門應用每兩日各受旱地一頃將額徵糧銀作為應役口食今差務暫減請裁一千名歸農其存留應役者每名酌添盤費銀二兩於公項內支給從之

一二年令甘肅屯田地方設立屯長總甲渠長甘肅所屬柳林湖等屯田之處地方遼濶屯戶衆多督撫奏言其地止有通判等官數員管理耳目難周請酌留熟諳屯務之生監農民並設立屯長總甲渠長分理下部議從之

又革除里甲地保看守城門之役先是御史楊嗣璟疏言直省州縣城門應用門軍或派里甲或派地保窮民苦累請一槩革除下部議行凡城門現有兵丁看守者如故其向派里甲地保及僱覓應

皇朝文獻通考 卷二十四
役者皆除之於額設民壯內派撥二名輪流看守其未設城垣之倉庫監獄亦令民壯看守不得派及里甲地保永遠爲例嗣於二十六年江蘇按察使蘇爾德河南布政使輔德屢以門禁言部議令存城兵少之州縣協撥民壯共相看守一體稽察

四年嚴禁各省工作扣剋侵蝕之弊奉

諭旨國家興修工作僱募人夫原欲使小民實受價值以爲贍養身家之計至於荒歉之年於賑濟之外修

舉工程俾窮民赴工力作不致流移更非平時可比其安全撫恤之心亦良苦矣凡爲督撫大吏及地方有司自當承宣德意敬謹奉行使閭閻均沾實惠方不愧父母斯民之稱朕聞各省營繕修築之類弊端甚多難以悉數或胥吏侵漁或土棍包攬或昏庸之吏限於不知或不肖之員從中染指且有夫頭扣剋之弊處處皆然卽如挑濬河道民夫例得銀八分者則公然扣除二分應作一丈者則暗中增加二尺或分就工程用夫一千名者實在止八九百人以國家

惠養百姓之金錢飽貪官汙吏奸棍豪強之慾壑其情甚屬可惡是不可聽其積弊相沿而不加意釐剔者嗣後凡有興作之舉著該督撫轉飭該管官員實力稽查務使工價全給民夫無絲毫扣剋侵蝕之弊倘該管官員稽查不力督撫卽行嚴叅如狗庇屬員或失於覺察朕必於督撫是問

又准湖南各屬添設民壯斗級署湖南巡撫張璨以各屬捕役民壯斗級舖司等役有未經設立者請行添設下戶部議部臣言捕役向無經制之例

不准添設舖司一項不無虛糜應令確查到日再議其民壯斗級應准添設從之

臣等謹按捕役之名不載賦役全書不編徵工食故部議云無經制之例前於雍正四年兵部議覆江撫張楷請革捕快一條與此正同然考會典律文所載如雍正元年議准州縣捕役能盡心訪緝經年無事者有賞不肖捕役誣指良民爲盜者發邊衛充軍又雍正三年律例館奏准舊律應捕弓兵俱改爲捕役汛兵是捕役實有其名也又載州

縣捕役募定名數遇有盜賊責令緝獲又載各省州縣務於本衙門額設工食內每捕役一名將他役工食量為併給使其養贍充裕若拏獲盜首者令州縣官從優給賞如不獲將承緝捕役家口監禁勒比豈非應捕之役即為捕役律文所載名實昭然矣

五年禁胥役兼充牙行

互見市糴考

奉

書不嚴婚工食

諭旨民間懋遷有無官立牙行以平物價便商賈其頂冒把持者俱有嚴禁近聞外省衙門胥役多有更名

捏姓兼充牙行者此輩倚勢作奸壟斷取利必致魚肉商民被害之人又因其衙門情熟莫敢申訴其為市廛之蠹尤非尋常頂冒把持者可比所當急為查禁嗣後胥役人等冒充牙行作何定例嚴禁及失察處分交該部議奏尋議令地方官查革追帖永行嚴禁地方官失察分別降罰載入則例

八年禁止衿監認充牙行奉

諭旨定例投認牙行必係殷實良民取有結狀始准給帖充應蓋殷實則有產業可抵良民則無護符可恃

庶幾顧惜身家凜遵法紀不敢任意侵吞爲商人之害乃聞各省牙行多有以衿監認充者每至侵蝕客本拖欠貨銀或恃情面而曲爲遲延或藉聲勢而逞其措勒以致羈旅遠商含忍莫訴甚屬可憫從前外省衙門胥役有更名換姓兼充牙行者已經降旨勅部定議嚴行禁革積弊始除而衿監充認其弊與胥役等應將現在牙行逐一詳查如有衿監充認者卽行追帖令其歇業永著爲例

又令山陝邊外種地人民設立牌頭總甲部臣議奏山西陝西蒙古地方種地人民甚多其間奸良難以分晰應設立牌頭總甲令其稽察卽於種地人民內擇其誠實者每堡設牌頭四名總甲一名如種地民人內有拖欠地租並犯偷竊等事及來歷不明之人卽報明治罪如通同徇隱將該牌頭等一併治罪

十年定各省城垣工程一千兩以下者酌用民力修築工部議覆川陝總督慶復奏請西省各屬城垣分別緩急動帑興修其工程在一千兩以內者

飭令州縣合力捐修司道共襄其事奉
諭旨朕思大小各官所領養廉原以資其用度未必有
餘可以幫修工作倘名為幫修而實派之百姓其弊
更大轉不若名正言順以民力襄事之為公也此議
不准行自古有力役之征庶人有赴功之義况城垣
為地方保障正所以衛民而使之安堵即如人所居
者廬舍耳而必環以牆垣為藩籬之計其事甚明其
理易曉且官民原為一體上下所以相維今則漫無
聯屬恐日久相忘卒有用民之事必且呼應不靈臣

工為此奏者頗多亦不無所見朕再四思維凡有修
建重大功程小民力不能辦者國家自不惜帑金為
之經理至於些小工程補葺培護使之不致殘缺傾
圮則小民農隙之所能為而有司之所當善為董率
者也

十一年奉

諭旨以城垣多有殘缺令各督撫督率有司留心整飭
旨令尋以巡撫碩色奏請一千兩以下者令各州縣分
年修補土方小工酌用民力其餘於公項下支修

奉 旨令各督撫做照辦理善為經紀勿致累民又總督鄂
彌達奏言若按田起夫誠恐佔田之戶必派之佃
田之家不若暫借稅銀生息備用奉

旨此奏甚屬錯誤城垣為國家保障其責專在地方官
員所以酌用民力者上下相維之意並非令其按田
起夫竟成賦額之外多一力役之征也恐各省督撫
亦錯會朕旨或致辦理不善致有累民之處特頒此
旨曉諭各督撫知之

二十二年更定江西豐城修隄力役之法江西撫
臣胡寶瑑疏言江省隄丁惟豐城最關緊要自唐
宋始建隄埽迄今綿亘一百二十里非僅為低下
田廬保障實為闔邑捍蔽全省中權除石隄係動
帑官修外所有民修土隄向來俱按照通縣圖甲
額設里夫每甲出夫十名十年一週行之已久迨
後黠者避役貧者誤工因於乾隆四年間改為折
徵法雖少變役仍未均蓋圖甲有盛衰而丁數不
一均令出夫十名漫無區別且諭甲不論田則有

田富戶多值空間無田貧民難免派累又有圩長
經胥包攬侵肥工鮮實際衝決屢見至乾隆十九
年撫臣查明情形大興修築乃通起闔邑十年之
夫并力合作復仿照按田均隄之法將無田之戶
概行除免且將高鄉有田之戶亦行免役惟近圩
低鄉令將修成之隄均分承管培護但高鄉居十
之七低鄉居十之三除免戶多歸併戶少事鉅力
微日久必致貽誤是以闔邑均願公修屢經呈請
懇照新例除去無田之戶其餘仍循舊例闔邑均

攤並請夫從糧徵聽官按隄撥分募夫修築復加
詢訪均無異議查從前按甲出夫之制既經革除
則誤工之弊已去今俾按田均堤貧民得免派累
而業戶共願輸將且夫從糧徵並杜侵冒更屬妥
協奉

諭旨如所議行
又釐直省保長保甲奉

諭旨州縣編查保甲本比閭什伍遺法有司自當實力
奉行乃日久生玩類以市井無賴之徒承充保長保

甲雖課最內有力行保甲之條不過具文從事著各督撫就該地情形詳悉議奏嗣經各督撫上奏戶部彙議略言保甲之設所以弭盜安民今各省奏到情形其中如慎選保甲一條議令該地士民公舉誠實識字及有身家之人承充保正甲長不得以市井無賴濫廁其一切戶婚田土催糧拘犯等事另設地方一名承值至支更看柵等役民間以次輪充惟紳衿及衰廢幼丁量免俱應准行至所請減設牌頭免點甲長二條查十戶立一牌頭十牌

立一甲長原使分任責成若經減免則保正耳目難周稽查恐有不密又添設約正約副設立保甲房書吏二條未免滋擾又十戶輪充甲長一條仍恐無賴之徒濫廁俱應議駁從之

二十七年禁止生監充當雜役先是八年奉旨不許衿監認充牙行永著爲例至是浙江學政李因培復言其弊禮部議覆略言士子身列膠庠一切公私雜役不得仍與名頂充例禁已久今浙省士子竄身經商里役者不一曰莊書管田糧底冊

推收過戶等事一曰圩長斗長塘長管水田圩岸
修葺堵禦等事此專係浙省名色各省如此類者
皆鄉民公推老成明白之人經理其事生監自不
應攙越管理請一概禁止一曰埠頭一曰牙行此
二項江浙等處多有祖父相傳世業應令另報無
頂帶之人領帖充當生監不得濫充至社長一役
專司社倉出納應以殷實農民承充乃生監中之
貧無聊賴者謀充此役惟以侵蝕爲務州縣官強
令殷實生監爲之又每視爲畏途殊失立法本意

應遵例務令農民充當不得濫報生監嗣於二十
年安徽布政使程燾言社長社副與牙行埠頭莊
書圩長不同伏查莊書管造民間推收田產完欠
錢糧數目圩長管圩埵堤埂坍卸修築之事牙行
代客買賣貨物埠頭代人僱船僱夫此等賤役誠
足潰裂坊檢至社長社副職司積貯止當論其家
道殷實人品端謹與否不當論其是否生監也且
生員歲科應試原不宜他務相妨至鄉民捐監不
過支持門戶頂帶榮身應考之人百不得一而社

倉設在四鄉村落遠近不齊必與倉穀附近之人
庶可就近經理今一鄉中殷實之戶除經營貿易
而外其務農置產者不過數家又于此數家中開
除生監既限于地復限于人辦理實多掣肘嗣後
應將不應試之生員及鄉民捐納貢監不應試者
仍照舊例選充社長社副下部議行采之專天
二十八年令民間捐修之城工如有坍卸不必責
其經理修補奉 諭旨託庸奏亳州懷寧二城現在修竣將來如續有坍
諭旨託庸奏亳州懷寧二城現在修竣將來如續有坍

卸卽照今次捐修之例聽民自爲經理修補等語城
垣所以衛民如遇應修之時士民中有急公任事出
資承修者原有議叙之例以示鼓勵至現在工竣之
處自在工員與地方官爲之保固使竟定爲民修不
惟在事之員得以藉口且恐不肖官吏因緣苛派所
關非淺設於現修城垣時附近居民私竊磚料自宜
嚴爲禁約犯者治以應得之罪可耳何得竟定爲閭
閻認修之例以滋弊累其通諭各督撫知之

二十九年裁直隸坐船役夫先是乾隆二年總河

顧琮以東西兩淀爲西南衆水之匯擁泥挾沙日漸就淤奏准設堡船二百隻祿夫六百名九年尚書劉於義等以永定各道屬應用祿夫者甚多奏准添設堡船二百隻祿夫六百名嗣因堡船內有牛舌頭船八十隻窄小不能適用復請裁汰并裁祿夫八十名至是總督方觀承奏言堡船用在撈泥然水深五尺以下卽難著力而船泥載重行滯且運泥淀外嘗數里數十里之遙一日之中撈運無多遇有工作調撥不敷仍須另僱民船民夫而

堡船修造油艙添補器具祿夫歲給工食效少費多應將堡船三百二十隻全行裁汰其祿夫一千八十名本屬水鄉民夫悉令散歸漁業嗣後河淀工程如有需用船夫之處應令臨時價僱照例報銷其原設之管船千總外委等酌爲裁撥下部議行

又嚴軍籍捏冒民籍之禁漕運總督楊錫紱言軍民戶籍不同旣隸軍籍卽應聽僉辦運乃各衛所宦家富戶或將本有屯田轉售于人而專置民產

或應試報捐俱冒民籍進身或將族譜老軍之名預行移改或將衛所舊存案卷會斷爲軍者潛行抽減歷年既久不復報僉卽經同運軍丁上報而紛紛辦訴州縣等官或碍情面或辦理粗疎斷爲是民非軍衛所官弁莫可如何伏查漕運各丁除應得隨運屯田外造船則有官價在家則有月糧在途則有行糧兼有漕贈漕截等銀資其辦運况宦家富戶卽使承認一丁原可令族中子姪或知事家人代辦不必已身親行今有力者以計免僉

而所僉皆無力之疲丁殊未平允應請嗣後凡隸軍籍之宦家富戶徑行僉報如有捏控狡辨者治以應得之罪得

旨允行

三十年嚴河工買料運料交料之法河南黃河工料向由沿河三十二州縣採買至是巡撫阿思哈言民間辦料多由地方官派買在料多之戶猶能自運抵工至小戶出料無多離工路遠僱裝盤攪業曠費繁遂有包辦之人各曰料頭講定價費折

乾何啻數倍雖經屢禁而民間謂與自己運交究
爲省便甘心折虧若輩愈行無忌請于秋成料平
之時委佐雜幹員領項採辦運交工所以十六兩
準秤秤收不得藉上司鋪墊燈燭薪米名色致有
浮收下部議行

旨於三十一年定

盛京木場丁辦商辦之制

盛京有砍木山場曰大那象曰東昌溝曰鶯窩背曰
梨樹溝曰小夾河曰那爾畔曰鍋鐵峪曰大石湖

曰英額河砬子向由臺丁領票砍科以資生計乾
隆八年將軍阿蘭泰以搭橋商人拖項無完請將
各場酌撥商辦以清欠項二十四年將軍清葆請
將各場撥還臺丁如臺丁不願承領募商砍伐科
稅二十七年因鶯窩背臺丁承辦貽悞募商另充
頗見成效至是臺丁復以爲請工部尚書託恩多
請定章程經大學士等議以丁辦現有誤公之案
而商人多費資本開就山場承辦尚無貽悞若因
臺丁覬覦遽爾撥還設將來或需募商必致裹足

不前請將商辦之大那象等三場仍歸商辦如無
商辦卽令六邊衙門將殷實臺丁保送承領丁辦
之梨樹溝等六場仍歸丁辦如無丁辦卽行募商
從之
又裁揚州衛二幫抵撥漕船揚州衛二幫輪減漕
船二十四隻向以備大造輪運及抵補本衛三幫
缺船之用乾隆十年漕臣顧琮以江淮興武等幫
有疲船二十四隻無丁可僉題請裁汰卽以此項
輪減之船抵撥至是總漕楊錫紱言抵撥額船其

月銀月米較少於江興二幫而每年例赴松江府
屬兌運致多拮据請將此船裁汰其所有應運糧
米分灑江興二幫照給應得銀米計每船加裝四
十餘石而揚州二幫疲丁可免遠撥之苦下部議
行

諭據高晉定長等奏勘湖北黃梅等縣董家口以上界
連江西德化境內一帶江隄潰缺之處應行修築估
需銀一萬七千九百餘兩請借動公項照例交民自

皇朝文獻通考 卷一百一十四 三
修分年徵收還款一摺該處地濱江湖所有堤工自
應及時修補以資保障但念黃梅等縣頻年偏被水
災閭閻不無竭蹶况借項鳩工按年攤扣民力終多
拮据而一切派委重事仍令紳衿承辦勢必仍蹈黎
明五等故轍於事更無裨益所有此項隄工著加恩
卽動用公項交地方官實力妥辦毋庸借帑扣還俾
貧民得以赴工餬口是於捍衛田廬之中推廣以工
代賑之法實屬一舉兩得該部卽遵諭行

三十三年

諭前因進剿緬匪官兵所過各省一切例支正項外所

有夫馬運送不無或需民力且據河南湖廣等省查
奏具有各州縣公同協濟之事閭閻急公踴躍固屬
可嘉而朕之本意則不肯使一毫一粟有累於民也
卽傳諭各該督撫令將各屬實需民力若干奏聞候
朕加恩今據貴州巡撫良卿奏稱民間所用夫馬銀
數多寡參差無從核數開呈等語不獨辦理摸稜且
於飭屬安民之本意大相刺謬地方偶遇辦差供頓
悉支官帑其正款不能賅備之處卽些微有資民力

亦當官爲檢核使出納多寡一一按籍可稽則官吏無由滋擾而小民得以沾恩其法實爲盡善若督撫大吏猥以此等欸項悉由鄉保人等自行措辦遂爾置之不問上司首倡下屬效尤民瘼將何所仰賴在州縣官潔已自愛者已難槩見下此如吏役等因無憑查核藉端滋弊且又何所不致耶良卿由布政使署理巡撫於此等事務豈得諉爲不知思以顛預了事鄂寶調任未久曾經承辦此事亦竟漫無稽核著一併交部嚴加議處貴州民苗急公効力之處俟朕

酌量加恩先將此通諭知之

又

諭昨歲大兵進剿緬匪所有經過各省儲待供億一切動支帑藏絲毫不累閭閻第以沿途夫馬運送不無稍資民力屢經降旨將滇省地丁及各土司應徵銀糧分別蠲免復將湖北湖南貴州三省軍行所過地方錢糧全行緩徵以示體恤繼思各省民人感戴國恩深明急公大義踴躍効力自當格外加恩用示獎勵因令該省督撫詳悉確查將各屬軍行所需除正

項開銷外實在所資民力若干核明具奏候朕酌量施恩嗣據陸續奏到惟阿思哈稱河南實數八萬六千餘兩而良卿則以貴州所有幫貼夫馬銀數多係鄉保措辦地方官無從核算爲詞意在顛預了事甚屬非是已經交部議處後覽方觀承所奏直屬所有幫銀亦數止有一萬五千餘兩恐亦事後約舉民車一項而言尚非實數於朕優恤民隱屏除弊端之本意均未能實心體會在民人等旣殫心竭力以佐軍行其悃忱深有足嘉則推恩亦倍當優渥然所在有

司必先於辦理之時悉心查核使茅簷一絲一粟皆有數可稽經理方爲妥協否則牧令付之不知胥役安得不因緣蠹蝕督撫置之不問州縣又安保無恣意侵牟將吏治奚以澄清恩澤何由下究耶着將直隸河南湖北湖南貴州等五省一例從優加賞於藩庫地糧銀內每省給銀十萬兩交各該督撫酌量情形視其欵項數目妥協分給毋得草率摸稜致小民不得均沾實惠等語七絲粟不以爲足豈以興創

臣等謹按古者大兵大役丁夫車馬無不取給於

民惟我 古者大興大器丁夫軍無不煩餘飲
朝法制盡美盡善雖寸絲粒粟不以累民是以輿情

踴躍自願効力少罄微忱非敢藉邀獎封廷不與

恩賚乃荷蒙 皇恩特賜銀十萬兩交各該省督撫酌量酌

皇上樽節愛養之仁貴於等正皆一以誠心對以實效

特施恩於格外且惟恐各省情形或有不能上達之處

爰責成大吏奏聞伏讀 聖諭不問出處又安得無恣

聖諭精詳誠為千古之曠典矣 願外合什之不似晉外

諭前據方觀承奏寶直局淘洗餘銅請照京局之例變

價賞給因經戶部以各省鼓鑄工價原題給錢並無

以銀給發之案議駁今念保局開鑄之初原即與京

局相同且鑄匠僱自京師而日下錢價又為較賤其

但願領銀不願領錢亦屬情理所應有著加恩將寶

直局所有淘洗餘銅准照京局之例一體變價賞給

鑄匠俾得寬裕辦公以示體恤

臣等謹按會典載寶源局每鑄錢萬串支給匠工

物料錢二千二百串有奇又奏准嗣後每串折銀

一兩由戶部按季於扣存兵餉銀內頒發又奏准

仍令鑪頭領錢照市價易銀給發匠人是給銀給錢原可通融辦理部議以各省鼓鑄向無給銀之例執守成規今變價賞給出自鑄錢局支銀工費審裁所以體恤之者周矣示鑄

諭進餉緬匪一切解運糧石軍裝並需內地夫馬接遞護送所有應支腳價若仍照定例給發不足以示鼓舞著加恩將解運糧石不論夫馬每日每石給銀三錢其拾運軍裝人夫准照黔省之例每日每夫給銀八分該督等其務飭所屬悉心經理俾小民均沾實

惠用昭體恤

又兵部奏各省驛站應付夫馬酌量裁減其在任病故官員例應馳驛歸葬者及時請領火牌如遲延過限概不准給以裨郵政疏入從之

又禁各省學政不許濫用夫馬先是鄂寶奏梅立本按試各屬較前任學政通計多用夫七百名

諭令各該督一體查奏嗣奉

諭昨以錢度議學政事有意寬備夫船沽名邀譽已降旨改補雲南布政使以觀後效夫各省學政厚給養

廉原以供其任所用度按臨時行李僕從之費本應
 自備即勅印文卷等項應用夫馬亦屬無多如同日
 當屠漢奏到山東學政每次用馬不過四五匹夫不
 過十名其幕友家人書役歷係學政發價自僱車騾
 並無動用驛站夫馬之例雖坦途山徑各省情形不
 同而官用私用之分其理則一山東既係自僱車騾
 廣西獨不可自僱夫船乎錢度雖經降用尚不足以
 示儆著交部議處朱丕烈乃乘巡撫會商任意多開
 數目冀省養廉著交部嚴加議處

臣等謹按驛站夫役原以預備公用之需故學差
 雖有敕印文卷等項準其動用而為數無多地方自
 身無擾累如山東學政自僱車騾並無動用驛站夫
 馬斯為恪遵

功命茲復恭奉
 聖訓不特各省學臣無敢濫用夫役凡有
 欽差例準給夫者亦咸知遵守焉

諭前據御史紀復亨奏貴州苗民僉派官差一摺內稱

皇朝文獻通考 卷一百一十四
諭據富明安奏兵部覆准范宜賓條奏東省運河煞壩
壩期內裁減水夫工食一案查該省水夫向係長養在
驛每日僅得工食銀二分七釐若裁去四月工食每
日僅得銀一分八釐零窮民口食不敷勢必散逸偶
有要差臨時僱覓倍多糜費且煞壩實在日期每年
不過兩月餘而銅鉛守凍船隻均需撥役看守非因
煞壩而虛費錢糧請照舊存留等語所奏是東省水
夫工食難於裁減該撫既將實在情形入告自無庸
瑣屑裁扣使民口食拮据轉致貽誤公事所有德州

等十四處水驛人夫工食毋庸扣減之處著照該撫
所請行

臣等謹按會典載東省運河額設淺溜橋牐等夫
除歲給役食銀外每歲又給器具銀八錢蓋用民
之力務令口食充裕法至善也今水夫之工食復
奉
旨毋庸裁減所以優恤之者至矣

天
諭辦差備用車輛從前原係順天府之事後因經理不

苗民承值差使任勞倍于民力而地方官委之胥役
發價則扣剋分肥遇事則鞭笞肆虐勞逸不均呶嘓
莫訴欺凌不恤往往而有請嚴加查察等語當經降
旨該撫加意體察毋使不法官吏苛累苗民旋據該
撫覆奏以苗民受值樂從並無勞勩之怨朕尚未之
信也今經略大學士傅恆將沿途見聞入奏據稱苗
民等每遇差使爭先恐後較內地民人尤為小心恭
順並於道旁喚問無不歡忭鼓舞皆以應僱給值視
耕種所得較優役使一項實所盼望貪求之事此皆

得之傅恆目擊口詢較該撫之言尤為可信前此該
御史入告果何所據傅恆摺並發

臣等謹按會典載苗疆地方一例編排保甲以便
稽查又載如有塘汛兵丁及各衙門差役經由苗
寨擅動苗夫科歛索詐該管官員故縱者罪之是
平日體恤苗民至詳且悉一遇差使受值樂從自
無不爭先恐後較之內地民人尤為小心恭順蓋

聖化之所撫綏者遠矣

案查苗苗夫向給其養亦

皇朝文獻通考 卷二十四
諭據富明安奏兵部覆准范宜賓條奏東省運河煞壩
壩期內裁減水夫工食一案查該省水夫向係長養在
驛每日僅得工食銀二分七釐若裁去四月工食每
日僅得銀一分八釐零窮民口食不敷勢必散逸偶
有要差臨時僱覓倍多糜費且煞壩實在日期每年
不過兩月餘而銅鉛守凍船隻均需撥役看守非因
煞壩而虛費錢糧請照舊存留等語所奏是東省水
夫工食難於裁減該撫既將實在情形入告自無庸
瑣屑裁扣使民口食拮据轉致貽誤公事所有德州

等十四處水驛人夫工食毋庸扣減之處著照該撫
所請行

臣等謹按會典載東省運河額設淺溜橋牐等夫
除歲給役食銀外每歲又給器具銀八錢蓋用民
之力務令口食充裕法至善也今水夫之工食復
奉
旨毋庸裁減所以優恤之者至矣

天
諭辦差備用車輛從前原係順天府之事後因經理不

善改爲內務府莊頭承應又經內務府奏請改歸順
天府僱覓以省莊頭專辦之勞且伊等既隸居順天
府各州縣所拴車輛卽與民車無異遇有差務自應
一體受僱若云莊頭之車地方不當過問則莊頭等
且將暗中取利代隱民車包攬影射諸弊無所不至
幾於境內無可僱之車矣設順天府袒護民人專僱
莊頭之車則咎在順天府一經發覺自必重治其罪
今閱摺內所叙內務府咨稱原奏只言民車則莊頭
車輛不應一體受僱可知之語顯係內務府官員曲

庇莊頭巧爲開脫現交內務府大臣查明辦理嗣後
遇有官用車輛著順天府于民間僱用十分之七於
莊頭僱用十分之三俾免偏枯而協平允

二十五年

諭前據寶光稟奏民人佃種旗地之戶請一體撥夫撲
蝗蝻一摺因其所奏近理卽批交部照所請行並諭
地方偶遇撲蝗不獨旗田與民田通力合作卽大糧
莊頭亦應一體派撥其直隸向來作何辦理著楊廷
璋查明具奏及派往撲蝗之侍衛索諾木策凌等回

京詢其實在情形據稱所到之處不獨旗佃出夫辦
公卽王公所屬旗人亦悉力協撲等語旋據該督奏
覆自方觀承任內設立護田夫一項不拘旗民均令
出夫現仍照舊辦理因節次令寶光鼎明白回奏今
寶光鼎到京回奏則以前此所設護田夫未經奏明
不能一體遵照爲詞其說支離更甚試問總督舊定
章程通行闔省順屬官民豈能獨不遵條教府尹亦
豈得諉爲不知近京旗民交涉事件在國家初定鼎
時或有旗人強佔民田及將各項差派專委居民承

辦者今閱百數十年屢經整飭政紀肅清無論旗莊
各戶不敢不安分守法卽王公大臣亦不敢怙勢庇
佃國家法在必行又豈肯聽其縱越理法少爲曲徇
乎將此通諭知之

臣等謹按會典所載州縣官捕蝗不力者治罪由
府道上至督撫俱嚴加處分蓋以蝗蝻最易蔓延
務在及時撲滅而所需人力自不應有旗民之分
此護田夫之設不拘旗民均令出夫法至善也欽

聖諭煌煌洵大公至正爲萬世所當法守矣

三十七年工部議署東河道總督姚立德奏東省各處泉源有資運道應一概修砌石池准將泰安等州縣僱夫挑河每一日給銀六分之數酌減二分以爲砌石工費疏入從之

諭川省現在辦理軍務一切饋送轉輸俱係內地僱用民夫前往執役所有西路站夫運糧章程尚屬妥協其南路日給銀米雖已寬裕第此一路食物較昂伊等負載遠行僅堪果腹不免衣履無資情殊可憫從

前進勦金川時曾允該督所奏於回空無分本日次日均給口糧今伊等正當踴躍赴公之時自應優爲贍給以示體恤所有南路站夫著加恩照前例給與回空口糧打箭鑪以內每日折給銀五分打箭鑪以外每日折給銀八分俾伊等口食並得寬裕輓運自倍加出力並著文綬嚴飭糧運官員悉心核實妥協經理務令均沾實惠

又

諭前因川省南路軍營食物價值少昂站夫負載遠行

僅堪果腹情屬可憫曾降旨加恩照從前進剿金川
給與回空口糧以示體恤今西路官兵漸逼賊巢站
夫運送軍糧其口食亦未免稍艱著加恩照前南路
例無論本日常日分別口內口外折給回空口糧俾
伊等口食寬裕自更踴躍赴公著文綬嚴飭糧運官
員悉心確核妥辦務令均沾實惠

三十九年

諭新疆工程均係派撥兵丁砍伐木植築打土房支給
該處兵丁耕種所收米麩青稞等項較之採買物料

僱覓匠夫本屬減省今烏嚕木齊新建滿兵城房工
程統較內地應用銀數有減無浮又何必復照內地
之例核算所有用過銀兩卽著照數准銷毋庸再行
交部查核嗣後新疆等處工程派撥兵丁砍伐木植
修建者俱不必照依內地定例核銷

實四十年

諭據郝碩奏據雪山根站員具報崇慶州兩次撥往北
路換班站夫共四百餘名到站後俱陸續逃散現正
存夫八十餘名由該州原撥時並未認真取保押差

所致除稟知文綬查辦外請將逃夫沿途所支口糧
著落崇慶州賠補並請將該州交部議處等語所辦
甚是著交文綬查明崇慶州知州現係何人卽行據
實參奏交部嚴加議處並查明逃夫沿途所支口糧
著落該州照數賠補以示懲儆

諭前據阿思哈等奏山東夏津縣地方有常州帮王益
周糧船被盜之事旋據楊景素奏拏獲首夥盜犯段
老等九名訊出俱係沿途短絳糾夥行劫現今審明

按律定擬分別斬梟矣沿河短絳多係無業窮民羣
聚覓食晝則隨帮受僱夜則乘機爲匪其中最易藏
奸而漕艘經行上下遇有頂風淺水添僱帮絳人夫
亦屬必不可少莫若令沿河州縣酌量安設絳夫並
選派夫頭照管以供受僱其各帮僱覓絳夫並令押
運千總督率旗丁點查稽核按站交替不許攜帶過
站亦不許中途私僱庶各有責成不致滋事其應如
何酌定章程之處著直隸山東江南江西浙江湖廣
各督撫會同漕運總督確商妥議具奏嗣經軍機大

臣奏據江南山東直隸等省各該督撫按照地方情形奏請添備短絳分段設夫並設立夫頭管束均給腰牌編列字號以杜奸匪亦有不設短絳只設夫頭臨時責成僱覓其沿河文武員弁選派兵役稽察巡邏則匪類自不能混迹而漕運更得迅速併著爲令

亦四十四年

諭據鑾儀衛奏民人充當校尉之榮志禮等呈控順義縣差役人等派令貼補老人差使索詐錢文各情節一摺於吏治甚有關係本朝丁歸糧辦民間一切差

徭久經停免卽遇緊要工程如河工城上之類亦俱官給僱值不令絲毫累民何至順義縣復有派當老人差使貼補錢文之事不可不徹底查辦至如州縣民人充當校尉或係國初相沿明末陋習未及更定章程致令濫竽現在包衣閒散樂食錢糧之人尚多儘可令其挑補校尉充當差使兼資養贍何必令各州縣挑送鑾儀衛假手胥吏輾轉滋弊乎此案著派軍機大臣會同英廉程景伊并順天府詳加審訊務得其實情秉公定擬具奏如有干涉該縣事件應行

質訊之處卽行文楊景素令將該縣管押來京會同
審訊亦無不可至該縣因何設有老人名目及民人
充當校尉作何停止挑補改用包衣閒散之處著一
併查明詳悉定議具奏嗣據鑾儀衛奏民人充當校
尉
又
諭此項民尉除應行酌留外其籍隸大宛兩縣者遇有
缺出鑾儀衛大臣及順天府送補甚便不致滋弊且
使輦轂之人不失世業可仍照舊例行其籍隸外州

者陸續出缺改補

四十六年

諭兵部議覆薩載等奏抽撥南河椿埽兵丁移設河東
以供要工力作各緣由一摺已依議行矣各省武職
名糧現在交各督撫查明俟奏齊交部另行核辦議
給養廉其所扣兵餉俱當挑補實額歸伍當差但河
南爲腹裏近省今所有之原額似足敷差防而南北
兩岸河堤道路綿遠著多增汛兵防守于河務甚有
裨益所有豫省各糧改歸實額兵丁或盡行增入河

管或撥十分之七八以資不足于防護河工實爲有益至山東河道關係亦屬緊要其名糧改歸實額應在綠營添設若干河營添設若干茲阿桂現在儀封王次著國泰前往河南共同商酌悉心核議具奏嗣據大學士公阿桂等奏查江南總河所屬二十一河營額設河兵一萬零五百餘名河東總河所屬懷河豫河黃運三河營額設河兵止一千七百名多寡懸殊是以前河東總河李奉翰奏請於江南各河營內抽撥二百名移設河東工作並請先撥椿埽兵二十

名酌給盤費卽令赴豫其餘一百七十名陸續抽撥充補續經部議以現在奉天遼東兵之數共可酌補核辦武職名糧挑補實額河標各營亦在查辦之內所有椿埽兵丁三十名應如該督等所議撥往其餘一百七十名毋庸抽撥卽令河東河臣自行募等因奉 旨允行在案查河東總河所屬各河營扣存養廉名糧

改補河兵現有一百四十七名而河南二十一河營將弁名糧則有六百五十四名就現在江南河

兵額數尚可抽減數百名若又增添六百餘名既無工作又不差操實屬虛糜廩餉請將河東總河所屬河營各糧一百四十七名中左右標營空出各糧三百一十八名南河各河營扣存養廉各糧六百五十四名除添設都司二員協辦守備二員千把總各二員扣留各糧九十八分以備改給俸薪養廉外其餘九百八十七分一並添入豫東兩岸各汛實額河兵合之原設河兵之數共可得二千七百七十四名至山東運河有額設賸淺等夫

雖止設兵四百名而補遺各糧二十四名足資應用毋庸再添如此裒多益寡實于防守大有裨益

下部議行

臣等謹按河兵之設原以防守堤工顧工有大小則額有多寡必衆寡適均斯爲盡善乃江南河兵多至萬餘名而河東則僅有一千七百之數以從前總河本止一員三省河兵皆可調撥逮分設總河卽就所管汛地改隸則豫省額兵遂致不敷應

用茲蒙

聖鑒因核辦名糧實額卽爲斟酌損益以增河兵旣無
虛糜之費亦足防守之資可仰見

睿慮之周詳矣

四十七年

諭據大理寺少卿劉天成奏稱督撫兩司以及道府公
出請限定人役名數督撫限以三十二人兩司限以
二十二人道府十六人等語督撫司道等因公出巡
所帶僕從人役全在本官嚴行管束時刻留心稽查
一切供應照例發價自不致騷擾滋弊設若劉天成

所奏限以人役名數如果本官不能鈐束卽一二人
亦能作弊况此數十人中豈能保其不滋事乎空言
無補徒滋煩瀆而已

四十八年

諭據李世傑奏豫省堵築青龍岡漫工及築堤濬渠歷
次酌增夫料價值銀九百四十五萬三千九百餘兩
請分作三十年攤徵以抒民力一摺豫省自辦理大
工以來歷次部撥及動用司庫千餘萬兩無非爲百
姓保護田廬輯寧家室所有採辦物料僱募人夫俱

皇朝文獻通考 卷二十四
於例價之外寬裕給值俾小民踴躍赴事以期迅速
歲工其例價外酌增銀兩自應分年均攤代徵還欵
在百姓等遵限輸將亦屬分內之事但此次爲數甚
多而上次漫工案內又尚有攤工未完銀九十餘萬
兩若按年帶徵民力未免拮据朕自御極以來勤恤
民依覃敷愷澤普免天下地丁錢糧者二次普免各
省漕糧者二次不惜萬萬帑金俾閭閻並臻康阜又
何靳此千餘萬庫項而令小民每年於正賦外多此
徵輸耶况現在仰荷

上天孚佑大工告成自應廣澤推仁與斯民咸慶盈寧之
福所有此次該撫等所請分年攤徵銀九百四十五
萬二千九百二十餘兩以及上次攤徵未完銀九十
四萬五千餘兩俱著加恩普行豁免以仰答

昊蒼嘉貺並示朕愛惠黎元爲民藏富至意該撫其徧行
曉諭茅簷蔀屋咸使聞知俾均沾實惠毋任不肖官
吏從中滋弊該部卽遵諭速行

又兵部議令順天府府尹轉交大興宛平兩縣嚴
飭各舖司以後輪流遞送不得端委一人凡有一

皇朝文獻通考 卷二十四
切公文到鋪逐一上號除各府州縣自相申送文
移向給回照可查者仍常遞送外其咨行在京各
部院衙門公文務須按日彙送各州縣另登號簿
將某日送某衙門公文幾件係某鋪司承送一
注明卽交該鋪司送至各衙門領取回照旋取繳
縣核對銷號如無回照及送繳遲延該縣刻卽嚴
查辦理如此則逐日皆有稽查無從延擱仍令該
縣十日一次弔驗各鋪號簿查對是否符合有無
遺漏按月申送順天府查核其朝陽鋪司接收東

三省事件繁多原設鋪司與別路衝途均係五名
稍覺不敷應交順天府於事簡原設四名之處抽
撥一名安設該鋪以資遞送著爲令

四十九年

諭據李侍堯奏肅州安西等處僱覓出口車輛向例每
百里以一兩六錢核給經海祿查奏止須給銀一兩
續經核奏每百里止須給銀六錢應查明歷任報銷
車價浮冒之州縣一體核辦但此項車價原係照例
給發其咎在明知例價有餘不行據實呈出尚與舞

弊侵冒者有間可否罰令加倍賠繳勒限嚴追暫免革職治罪等語所見甚是僱用出口車輛從前給價稍優俾小民運費之外略得盈餘以資餬口相沿既久已視爲固然海祿遽請減去銀一兩並將歷任經手各員一體革職治罪之處所奏未免過當前已據烏什辦事大臣綽克托奏哈喇沙爾以西戈壁頗多車輛甚少若照新定六錢之例實難僱覓請仍照從前一兩六錢銀數支給而塔爾巴哈台辦事大臣惠齡亦復咨請到部且新定車價減省過多各該處勢

有難行紛紛咨部自係實在情形理應通盤籌畫核實酌中定價方可行之永久著交李侍堯綽克托惠齡及各地駐劄大臣各按該處實在情形有無必需仍舊發給車價之處詳籌妥議據實具奏至此項車價其咎在始定例之人其歷任不過照例給發並未從中侵蝕其過在明知有餘不行據實呈出請減較之捏災冒賑憑空舞弊者輕重略別此項人員俱著免其革職治罪並毋庸罰令加倍賠交卽照減定之例按數追出已足示儆該部知道

又

諭阿桂福康安奏上屆剿捕撒拉爾逆回案內軍需報銷屯練降番兵丁所支鹽菜白麪部覆准銷其老教士司兵丁因在本省經部議駁止照綠營兵丁之例支給此次該士兵復經調赴口支口食等項若照部議核給實有不敷等語此等老教士兵經檄調隨征爭先奮勉自當從優支給以示體恤况該士兵等與屯練降番相仿而屯練等月支獨為優厚辦理殊未畫一所有此次檄調隨征之老教士司兵丁應得分

例著加恩照屯練降番之例一體支給其上屆給過之項經部議駁者並著一律准予開銷用昭朕軫念士兵優加體卹之至意

又

諭據保寧奏川省屯土各兵如遇隣省檄調請照綠營征兵之例酌給夫馬一摺所奏是已於摺內批示矣川省屯練降番兵丁因從前甘省蘇四十二滋事及本年剿滅石峯堡逆回兩次俱經檄調會剿該兵丁等由松潘一帶遠赴軍營俱能踴躍拚誠急公趨事

但因向來檄調係在口外地方程站不遠一切背負
騎駝自行備辦未經議給夫馬今既由隣省檄調該
兵丁等跋涉維艱自應照綠營兵丁之例一體給與
夫馬以昭體卹現在軍務告蒞該兵丁等俱整旅回
川嗣後若遇有隣省調派之事著給與夫馬俾利過
行以示優卹屯番之至意

諭據福康安奏山丹縣有押車縣役劉國臣被毆身死
訊據安西營兵馬國棟等有兵丁鄧喜因索車價拉

去差役劉國臣之供乃該叅將路德沛飾詞屢稟代
兵狡辯經節次嚴批始將兵丁鄧喜等交縣訊辦請
旨將路德沛革審等語各省驛站向來原有額設車
輛如遇差使緊要不敷應用並准其開銷僱辦此次
安西營兵赴涼州駐守係官爲護送既有車可乘兵
丁等又何由向縣役索取車價此必地方官辦理不
善或車輛短少有折價情弊以致兵丁得以藉詞訛
索著福康安查明據實具奏至兵丁等遇有征調自
當安分過行如果車輛不敷亦應稟明該管將領代

爲辦理何得額外多索擅自毆斃差役若似此行兇
滋事不嚴行懲治其何以申軍紀而肅戎行著福康
安審明後即將毆斃縣役之兵丁一面正法一面奏
聞以示懲儆其叅將路德沛既不能約束兵丁致有
毆斃差役之事又不即時查出行兇之犯送交地方
官審訊似此狡詐迴護之劣員其罪已不止於革職
路德沛如果審無別項情弊亦當發往伊犁充當苦
差以爲營員飾詞捏稟者戒

又

諭本年豫省睢州下汛二堡漫口築壩挑河工程緊急
前經何裕城奏請照青龍岡加價之例於司庫墊銀
發給仍於里下分年攤徵還欸現在豫工奏報合龍
但念夫料加價爲數自多分年攤扣民力究恐拮据
方今部帑充盈朕爲捍衛民生起見從不靳惜帑金
俾閭閻共享盈寧之福從前青龍岡加價銀兩旣降
旨寬免此次漫工所用加價銀兩事同一例亦著加
恩一體免徵該撫出示曉諭咸使聞知以副朕惠愛
黎元有加無已之至意該部卽遵諭行

卷二十四

皇朝文獻通考

卷二十四

諭外省兵役緝捕要犯往往有施放空鎗恐嚇者夫兵役等如果藉端索詐拘拏無辜致斃自當重治其罪如本係應捕重犯而該犯不服拘執至於抗拒卽鎗傷致斃亦屬罪由自取其各縣捕役民壯亦同此例嗣後各督撫通飭所屬將弁州縣曉諭兵役毋得仍前施放空鎗以期共收實效

又河南撫臣畢沅奏查得距省城十餘里向有賈魯惠濟兩河會集泉流下達安省商旅攸賴今久

失濬疏河身日就淤淺應請及時開濬於水旱年可資蓄洩且現在河南開封等處旱荒貧民轉徙傭工甚多趁此鳩工酌給口糧以資力作是此舉不但於民食商販有裨而以工代賑無業窮黎亦可藉資餬口實爲一舉兩得疏入得

旨允行

又直隸總督劉峩等奏稱漕運重船每遇水淺行艱走不能迅速請備造剝船濟運但事屬創始一切名募船戶應給剝價等項必須通盤籌畫使行有

成效得垂永久經軍機大臣議定覆奏得

旨允行

一附近州縣收管船戶備造剝船一千二百隻每船各募誠實船戶一名其

舵工水手人等應聽船戶自行僱覓各船空閒時仍發回各州縣收管無論商貨鹽斤准其在附近

地方攬載營生

一編定字號查禁出境此項剝船於船頭船尾略加綵畫按子丑寅卯十二

地支編列字號每一字自一號起至一百號止再用火烙印直隸官剝船字樣轉飭臨清州如遇直

省剝船抵關即令其全數起卸另行攬載北上不得放其南下致有偷漏出境之弊

一剝船分運酌定派撥如南漕與銅船及奉天麥豆一齊抵津同時須剝即

將剝船撥給一百號發交天津縣聽其分別剝運其餘一千一百號准其專剝漕糧均無貽誤

一按照水程酌給工食向來民船剝運漕米自楊村至通州每百石俱給飯

米一石二斗制錢六千剝運銅鉛每萬觔給銀六兩九錢剝運奉天麥豆每百石給銀四兩八錢今

除剝運銅鉛麥豆仍循舊例外其剝運漕糧自楊村至通州仍給該船戶飯米一石二斗所有例給

制錢六千文減半發給船戶三千文以為水手人等工食其餘三千文扣錢一千文存為歲修油艖

之用二千文給還旗丁如遇水勢充裕視運船所至之處按程遞減剝價

一按照號次輪流剝運先將子字號船一百隻定期調集次將丑字寅字等

號陸續調撥照所編字號挨次輪剝若有一船過期不到即著地方官查拿責罰以示懲儆

一鈐東船戶照管船隻令承管剝船之各州縣嚴飭各船戶小心照管不得

任意磕碰除每年酌給修船銀兩外各有慘漏即令該船戶自行粘補倘遇風火事故准於失事處報明地方官查明免其賠補其不小示慈憐心之船戶即行責革另募妥人認領

其餘條例詳漕運門不備載

皇朝文獻通考卷二十四

任職職考五
臣等謹按復除之法有除其征役者有除其租賦者前史所載除役為多馬氏云漢世以後不復聞有除租之事矣宋代助役法行悉令等第輸錢則除役之義亦鮮考
本朝役法歸入地丁田糧其間復除不一而恩澤之普未有如滋生人丁之永不加賦者若並復田租則祭田一欵之外亦間有之至於蠲免租稅或

皇朝文獻通考卷二十五

職役考五

臣等謹按復除之法有除其征役者有除其租賦者前史所載除役為多馬氏云漢世以後不復聞有除租之事矣宋代助役法行悉令等第輸錢則除役之義亦鮮考
本朝役法歸入地丁田糧其間復除不一而恩澤之普未有如滋生人丁之永不加賦者若並復田租則祭田一欵之外亦間有之至於蠲免租稅或

本朝役法歸入地丁田糧其間復除不一而

恩澤之普未有如滋生人丁之永不加賦者若並復田

租則祭田一欵之外亦間有之至於蠲免租稅或

詳於田賦或見於國用者皆不復載

天聰四年免諸宗室及內外親屬之家徭役是歲

七月

太宗文皇帝與諸貝勒議

太祖庶妃所生之子阿拜等又弟之子吳達海等族叔吳

霸席庫等又戚屬子孫柏爾肯等又勒克舒子孫

及顏布魯等俱免徭役

臣等謹按

國初歸附諸國有令世世子孫免其驛騎及諸徭役

者詳於藩封茲不備載

五年免巴圖魯薩木哈圖等一應差徭巴圖魯薩

木哈圖等皆於攻永平遵化時先登有功時以家

貧無應役之人具奏

命自城工大役外一應差徭俱免之

八年定功臣無嗣免其丁徭之例先是遊擊祝邦

成出征陣亡因無兄弟子嗣停其襲職其妻控告

以寡婦求免數丁差徭管吏部具勒具奏以其為

功臣之妻准免八丁以後凡功臣已故而無兄弟

子嗣承襲者准照官職免其丁之半其妻故後方
命應差著為令

又初考取舉人各免四丁先是三年九月考試儒
生分別一二三等俱免二丁差徭是歲禮部考取
通滿洲蒙古漢書文義者為舉人免四丁差徭九
年免功臣拜尹圖等徭役

崇德元年定滿漢官員及看守

郊壇

陵

廟人員各免丁徭及舉人生員官學生吏員甲兵優免丁

徭有差

又免各官壯丁徭役先是按班章京以下撥什庫
以上俱照品級免其壯丁官糧至修築城池及雜
差仍令應役至是以

上受尊號恩自公按班章京以下至小撥什庫及一應
在官人役并兵丁以上俱照品級免其壯丁徭役
又以歸附生員劉奇邁兄弟為副理事官各免三
丁先是陣獲官生皆給以莊田免其徭役是歲終

三牛采下生員劉奇遇兄弟以歸附求免徭役令
大臣考試之以爲內院副理事官各免三丁
三年定優免人丁例凡無世職固山額真承政准
免十丁梅勒章京內大臣叅政免八丁甲喇章京
一等侍衛理事官免五丁牛采章京二等侍衛副
理事官免四丁三等待衛免三丁多羅貝勒三等
侍衛免三丁

順治元年

賜賜山東曲阜等處聖賢後裔免糧地畝並免灑掃戶雜

泛差役山東巡撫方大猷奏言前明舊制賜孔氏
祭田二千餘頃撥佃戶承種專辦籽粒以供祭祀
請依舊制

賜給又洪武中特置灑掃戶一百一十五戶免其雜泛差

役亦請依舊制蠲免皆從之

臣等謹按會典所載衍聖公祭田二千一百五十

七頃五十畝

聖林地一十八頃二十七畝廟宅基三頃二十七畝五

分佃戶五百戶灑掃戶一百一十五戶顏氏後裔

祭田五十頃墓田三頃三十三畝一分廟宅基九
聖林十二畝五分佃戶十戶門子四戶廟戶七戶灑掃
戶二十五戶又孔氏後裔祭田五十一頃六十畝
墓田十頃一十五畝七分廟宅基二十九畝一分
廟戶三十七戶孟氏後裔祭田五十一頃一十五
畝又畝墓田七頃三十一畝四分廟宅基一頃三十畝
七分五釐佃戶三十二戶廟戶二十五戶門子五
戶仲氏後裔祭田六十五頃三十八畝墳地九頃
五寸畝廟宅基六十八畝護丁四十六戶皆免其

丁糧康熙二十四年

聖林地於原額外增擴一十一頃一十四畝九分除免
錢糧又撥給周公後裔東野氏祭田五十頃以曲
阜附近州縣無糧地給之又考各省凡先代陵墓
皆設有陵戶以司巡查灑掃例免差徭乾隆元年
復

特旨飭查增設又各地方先賢祠宇凡有祭田例免丁
糧皆所以昭

國家之曠典著復除之渥澤也迨沿習既久懷私忘

皇朝文獻通考 卷二十五 五
公恃優免之條昧趨功之義則與隱蔽差役者等
是以乾隆二十一年衍聖公庇其戶人與鄒縣知
縣大章相難輒稱例應免差冒昧瀆奏奉

諭旨據衍聖公孔昭煥奏

至聖廟戶在廟納丁供差一切本身徭役俱蒙恩優免
歷來遇地方官額外派辦派買事件難以隨心呼
應每事調劑殊屬非易請將現存戶丁酌留五十
戶其餘戶丁改歸民籍交地方官編審與民籍一
體當差等語我朝輕徭薄賦凡屬編氓本無公旬

徭役地方偶有興作亦皆動帑予直初非額外差
派不知其所奏派辦派買者何事或東省尚有此
陋習則概當嚴行禁止不獨廟戶爲然著署撫白
鍾山查明據實具奏旋據該撫覆奏並無派累之

事奉

諭旨申飭云朕親祭曲阜卽衍聖公尚當躬自却掃豈
有轉庇廟戶歸咎有司之理今據白鍾山查明有糧
之家依托廟戶影射居奇及飭該縣退還價買糧石
等事孔昭煥本應交部治罪姑念其爲聖人後裔著

知恩免其交議又奉旨命罪故念其爲聖人外裔著
諭旨白鍾山查覆孔昭煥所奏鄒縣知縣大章私毀遵
例免差碑碣一摺我朝百年以來從無公甸徭役所
有守夜開溝栽樹修堰等事乃民間自爲保護相友
相助之誼如江西湖廣等省沿江堤堰民間自爲修
防者甚多何得謂之差徭若併此而倚藉樂舞廟戶
名色概不承應是一鄉之中祇令無業貧民數戶專
任其勞而依託附名之徒安坐而享其利有是理乎
孔昭煥旣袒護陳奏於前仍復巧辭掩飾於後朕雖

欲曲宥而不能矣孔昭煥著交部嚴加議處以爲居
鄉多事者戒自是廟戶等不得借端隱蔽地方差役
得以均平云

又

恩詔軍民年七十以上者許一丁侍養免其雜泛差役

臣等謹按定例凡

恩詔中應及養老一款者悉如順治元年之例後不復
載

又令京城遷徙之家分別免其賦役凡明末遭寇

遷徙之家免賦役三年房屋被毀者免一年

又定京城行商車戶等役永停僉派

又定各旗壯丁差徭糧草布疋永停輸納

二年免徵直省京班匠價已見前卷時因免山東章邱

濟陽二縣京班匠價并令各省匠籍俱除為民

又定優免丁糧之例禁革冒濫先是保定巡撫王

文奎言各府州縣明季舊習優免太濫致虧正額

取盈攤派最為厲民宜嚴加禁革至是巡撫郝晉

又疏請定優免畫一之規下戶禮二部議之尋議

定品官及舉貢生員雜職吏典應免丁糧其廢官
黜弁粟監貲郎俱與民間一例當差有冒濫優免
者令撫按劾治從之

四年定編審人丁凡年老殘疾並逃亡故絕者悉
行豁免

五年定直隸紳衿優免例在京官員一品免糧三

十石人丁三十丁二品免糧二十四石人丁二十

四丁三品免糧二十石人丁二十丁四品免糧十

六石人丁十六丁五品免糧十四石人丁十四丁

六品免糧十二石人丁十二丁七品免糧十石人
丁十丁八品免糧八石人丁八丁九品免糧六石
人丁六丁外任官員各減其半教職舉貢監生員
各免糧二石人丁二丁雜職吏承各免糧一石人
丁一丁以禮致仕者免十分之七閒住者免其半
犯贓革職者不准優免如本戶丁糧不及數者止
免實在之數丁多糧少者不許以丁准糧丁少糧
多者不許以糧准丁疎遠族屬不得濫免十四年
部臣議請自一品官至生員吏承止免本身丁徭

其餘丁糧仍徵充餉

九年令直省州縣置社學師免其差徭已見前卷

十八年以江南江都如臯海州三州縣修理烽墩
馬路各免差徭一年

康熙元年免

盛京居民工役奉天府尹徐繼燁疏言新投

盛京居民生計未遂應暫免一切工役下部議行

四年免湖廣西山軍前運餉人夫亡故者同居父

子兄弟一年丁差

三十九年免河工河夫雜差河工挑河築堤例用
僱夫河臣疏言河工僱夫動至數千寒暑風雨極
盡其勞苦工成之日應給印票令該地方查驗免其
雜項差役以酬其勞從之

五十二年欽奉

恩詔嗣後增益人丁永不加賦是歲恭遇

聖祖仁皇帝六十萬壽欽奉

恩詔嗣後編審增益人丁止將實數奏聞其徵收辦糧但
據五十年丁冊定爲常額續生人丁永不加賦

五十四年定社倉捐輸分別免差之例時議社倉
勸輸應加獎勵乃定例富民能捐穀五石者免本
身一年雜泛差徭有多捐一倍二倍者按年遞免
雍正四年詳定紳衿優免之例署四川巡撫羅殷
泰疏言川省州縣多屬以糧載丁紳衿貢監等盡
皆優免差徭請將優免之名永行禁革與民一例
當差下戶部議言川省以糧載丁之州縣紳士原
無丁銀無庸優免奉

諭旨羅殷泰所奏禁革紳士優免之處固屬太刻部議亦

屬蒙混著九卿詳議具奏尋議紳衿祇許優免本身一
丁其子孫族戶冒濫及私立儒戶宦戶包攬詭寄
者查出治罪從之

五年令保甲內紳衿免充雜役及分別應免充役
者部臣議覆條奏凡紳衿之家一體編次聽保甲
長稽查如不入編次者照脫戶律治罪惟是保甲
之法有充保長甲長之役又有十家輪值支更看
柵之役紳衿既已身列仕籍肄業膠庠并齊民內
衰老廢疾及寡婦之家子孫尚未成丁者俱免充

役

又定各省藉田擇農夫二名看守免其差役

乾隆元年申舉貢生員免派雜差之例奉

諭旨任土作貢國有常經無論士民均應輸納至於一

切雜色差徭則紳衿例應優免乃各省奉行不善竟

有令生員充當總甲圖差之類者殊非國家優恤士

子之意嗣後舉貢生員等著概行免派雜差俾得專

心肄業倘於本戶之外別將族人借名濫免仍將本

生按律治罪

三年免雲南軍屯丁銀雲貴總督尹繼善疏言滇
心省軍丁一項從前未經攤入地畝除歷年查出軍
丁地抵補外尚有應徵丁銀一萬二千二百餘兩惟
官按老丁名字徵收或已無寸土而追比無休或已
絕後嗣而波及同伍請議查免奉

諭旨滇省軍丁一項從前既未曾攤入地畝而現在完
納丁糧之人又係無田之戶著將應徵軍丁銀兩自
乾隆三年為始概予豁免俾無業屯民永釋苦累

三年免雲南麗江府夷丁丁銀先是麗江新增夷

丁二千三百餘丁業經編入正額至是奉

諭旨朕聞雲南麗江府原屬土府改設流官比時清查
田地戶口有土官莊奴院奴等類並無田糧皆愿自
納丁銀以比於齊民共徵丁銀一百五十四兩七錢
零迨滇省民丁改為隨糧派納而此項夷丁不得與
有糧之戶一例攤派至今照舊徵收著該督撫查明
概予豁免俾邊地夷民永無催科之擾部臣議上所

增夷丁並免之

乾隆二十五年免福建閩縣先賢祠祭產地丁錢糧奉

諭旨福建閩縣地丁項內有先賢二十三祠祭產田糧
一項本朝初年優免後於雍正五年該地方官清查
溢額錢糧之時誤將此項作爲溢額報解歸公現在
追徵充餉朕思祠宇祭產供俎豆牲牲之用歷來優
免以卹奉祠後裔原屬國家曠典著該督撫查明豁
免永著爲例
田十六年免江南武進陽湖二縣開抵役田租銀奉
諭旨朕聞常州府屬武進陽湖二縣開抵役田租銀一
項原係前明時虛田領價後因本戶逃亡株連親族

各將已產開抵實非前明原置之田亦非當日領價
之戶小民條糧役租力難並輸以致積年拖欠朕省
方所至民隱勤求清蹕旣周備深軫念著將二縣開
抵役田除應辦條漕仍照民田一例完納外其新舊
租銀概予豁免以除民累凡爾百姓尚其永承樂利
各相勉於孝弟力田以仰副朕格外加恩之意焉

詔三十七年

諭李瀚奏請停編審造冊所見甚是編審人丁舊例原
因生齒繁滋恐有漏戶避差之弊是以每屆五年查

編造冊以備考核今丁銀既皆攤入地糧而滋生人
備戶又欽遵康熙五十二年戶部具詳編審人丁書冊原
皇祖恩旨永不加賦則五年編審不過沿襲虛文無裨實
政况各省民數細數俱經督撫於年底專摺奏報更
無藉五年一次之另行查辦嗣後編審之例著永行
停止

三十八年

諭據陳輝祖奏請將該省民屯新墾丁銀隨年攤徵批
交該部議奏旋經戶部覆准并請行查各督撫就本

省情形酌籌妥議具奏嗣據直隸等省先後入奏大
概請仍舊制者居多則陳輝祖所奏及該部所議皆
未得當國家承平休養百有餘年間閭生齒日繁歲
有增益向來編審人丁按丁科則自康熙五十一年
我

皇祖特頒恩詔永不加賦卽以是年丁糧之數作為定額
朕臨御以來無時不以愛養斯民為念詎肯於丁糧
區區毫末之賦稍存計較乎若以新墾民屯田畝復
將丁銀隨年攤納是與小民較及輜銖尤非惠下卹

民之道所有各省辦理不糧一事無論已未覆奏俱著悉仍其舊毋庸另議更張

以蘇鑿見冲田烟野
類翻喻以來無執不以愛養漢民為念請旨欽下
皇

旨會益向來嚴審人丁
自丁保限自
二十二

未旨會因寒承平於
日禦

皇朝文獻通考卷二十五

皇朝文獻通考卷二十五



